

ქ. თბილისი

27 ივლისი 2017 წელი

ერთის მხრივ სსიპ ივანე ჯავახიშვილის სახელობის თბილისის სახელმწიფო უნივერსიტეტი (შემდგომში „შემსყიდველი“) წარმოდგენილი ადმინისტრაციის ხელმძღვანელის ნუნუ ოვსიანიკოვას სახით და მეორეს მხრივ, შპს „ლასარე“ (შემდგომში „მიმწოდებელი“) წარმოდგენილი მისი დირექტორის სერგო ლასარეიშვილის სახით, სახელმწიფო შესყიდვების კანონის მე-3 მუხლის პირველი პუნქტის „ს1“ ქვეპუნქტის თანახმად, დებენ წინამდებარე სახელმწიფო შესყიდვის შესახებ გამარტივებული შესყიდვის საშუალებით ხელშეკრულებას შემდეგზე:

### 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

### 2. ხელშეკრულების საგანი

- 2.1 სსიპ ივანე ჯავახიშვილის სახელობის თბილისის სახელმწიფო უნივერსიტეტის ეკონომიკური საქმიანობიდან მიღებული შემოსავლების დაფინანსებით, სატვირთო სატერმინალო მომსახურების შესყიდვა. CPV 63120000
- 2.2 შესყიდვის ობიექტის აღწერილობა

### 3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს 97.70 (ოთხმოცდაჩვიდმეტი ლარი და სამოცდაათი თეთრი) ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების მოწოდებასთან დაკავშირებულ მიმწოდებლის ყველა ხარჯს, საქართველოს კანონმდებლობით გათვალისწინებულ გადასახადებს .

### 4. ხელშეკრულების შესრულების კონტროლი

- 4.1 ხელშეკრულების კონტროლს ახორციელებს სსიპ ივ. ჯავახიშვილის სახელობის თბილისის სახელმწიფო უნივერსიტეტის ინსპექტირების ჯგუფი/პირი.
- 4.2 შემსყიდველი ორგანიზაცია უფლებამოსილია აწარმოოს შესასყიდი საქონლის ხარისხის ინსპექტირება ხელშეკრულების მოქმედების ნებისმიერ ეტაპზე.

### 5. შესყიდვის ობიექტის მიღება ჩაბარების წესი:

- 5.1 შესყიდვის ობიექტის მიღება-ჩაბარება ფორმდება მიღება-ჩაბარების აქტით.
- 5.2 მიღება-ჩაბარების აქტის გაფორმებას შემსყიდველი განახორციელებს: შესაბამისი ანგარიშ-ფაქტურის/სასაქონლო ზედნაღების გამოწერის, სსიპ ივ. ჯავახიშვილის სახელობის თბილისის სახელმწიფო უნივერსიტეტის ინსპექტირების ჯგუფის/პირის მიერ წარმოდგენილი დადებითი დასკვნის საფუძველზე.

### 6. შესყიდვის ობიექტის მიწოდების ვადა, ადგილი და პირობები

- 6.1 მიმწოდებელი შესყიდვის ობიექტის მიწოდებას განახორციელებს შემდეგ მისამართზე: ქ. თბილისი, ჭავჭავაძის გამზ. №1.
- 6.2 შესყიდვის ობიექტის მიწოდება განხორციელდება 2017 წლის 28 ივლისამდე, მიმწოდებლის მიერ წარმოდგენილი ინვოისის საფუძველზე, რომელზეც მითითებული იქნება გასაწევი მომსახურების სახე, ვადები და ღირებულება.



6.3 ხელშეკრულების დამდებ არცერთ მხარეს არა აქვს უფლება შეიტანოს შესყიდვის ობიექტის მოწოდების პირობებში ცვლილებები ურთიერთშეთანხმების გარეშე.

#### **7. ანგარიშსწორების ფორმა, ვადები და პირობები**

7.1. წინადადების ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით;

7.2 ანგარიშსწორება მოხდება უნაღდო ანგარიშსწორებით, თსუ საკუთარი სახსრებით, სახაზინო ანგარიშიდან, მიღება-ჩაბარების აქტის გაფორმებიდან არაუგვიანეს 5 (ხუთი) დღის განმავლობაში;

#### **8. პირგასამტეხლო ხელშეკრულების პირობების შეუსრულებლობისათვის**

8.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

#### **9. ხელშეკრულებაში ცვლილების შეტანა და ხელშეკრულების შეწყვეტა**

9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

9.2 თუ რაიმე წინასწარ გაუთვალისწინებელი მიზეზების გამო წარმოიშვება ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9.5 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობების მოქმედების ცალმხრივად შეწყვეტის შესახებ.

9.6 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

#### **10. დაუძლეველი ძალა**

10.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

10.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

10.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

#### **11. დავები და მათი გადაწყვეტის წესი**

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

#### **12. მხარეთა უფლება-მოვალეობანი**

12.1 მიმწოდებელი, როგორც გადამზიდავი ავიაკომპანიის გაყიდვების აგენტი, ვალდებულია უზრუნველყოს ივანე ჯავახიშვილის სახელობის თბილისის სახელმწიფო უნივერსიტეტისათვის საჰაერო სატვირთო

გადაზიდვის მიყიდვა და განახორციელოს ტვირთის სატვირთო-სატერმინალო მომსახურება თბილისის საერთაშორისო აეროპორტში.

12.2 სატვირთო სატერმინალო მომსახურებაში იგულისხმება მიმწოდებლის მიერ შემსყიდველის ტვირთის ტექნიკური მომზადების, სასაწყობო და სახმელეთო სატვირთო-სატერმინალო ოპერაციების განხორციელება თბილისის საერთაშორისო აეროპორტში (მაგალითად: უსაფრთხოების პროცედურები, ტვირთის შენახვა დროებით საწყობში, სატერმინალო მომსახურება, საავიაციო უსაფრთხოების სამსახურის მომსახურება, თვითმფრინავამდე ტრანსპორტირების უზრუნველყოფა და სხვა)

12.3 ტვირთის გადაზიდვის მიმართულება, გადაზიდვა/მოწოდების ვადები აისახება სატვირთო ავიაზედდებულზე და მოწოდებული ინვოისით.

12.4 მიმწოდებელი ვალდებულია აუნაზღაუროს შემსყიდველს მომსახურების გაწევის პროცესში მისი ბრალეულობით მიყენებული ზარალი.

### 13. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2017 წლის 20 დეკემბრამდე.

### 14. მხარეთა რეკვიზიტები

შემსყიდველი

სსიპ ივ.ჯავახიშვილის სახელობის თბილისის სახელმწიფო უნივერსიტეტი

მისამართი: ქ.თბილისი; ი.ჭავჭავაძის გამზ. №1

რეკვიზიტები:

სახაზინო სამსახური

თსუ საკუთარი სახსრები

საიდენტიფიკაციო კოდი: 204864548

მიმწოდებელი

შპს „ლასარე“

მისამართი: ქ.თბილისის საერთაშორისო აეროპორტი

საბანკო რეკვიზიტები:

სს „ბანკი რესპუბლიკა“

ა/ა N GE 74BR0000010621821515

ბანკის კოდი: REPLGE22

საიდენტიფიკაციო კოდი: 208145176

თსუ ადმინისტრაციის ხელმძღვანელი

/ნ. ოვსიანიკოვა/



დირექტორი:

/ს. ლასარეშვილი/





## ინფორმაცია ინტერესთა კონფლიქტის შესახებ

“ 27 “ ივლისი 2017 წ.

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ქვემოთ ჩამოთვლილი თითოეული პირი ხელის მოწერით ადასტურებს, რომ სსიპ ივანე ჯავახიშვილის სახელობის თბილისის სახელმწიფო უნივერსიტეტის მიერ, გამარტივებული შესყიდვის საშუალებით სატვირთო სატერმინალო მომსახურებები (CPV 63120000) სახელმწიფო შესყიდვის განხორციელებაში მისი მონაწილეობა არ იწვევს ინტერესთა კონფლიქტს შპს „ლასარე“

თსუ ადმინისტრაციის ხელმძღვანელი

ნ. ოვსიანიკოვა

თსუ ადმინისტრაციის ხელმძღვანელის მოადგილე

ლ. სალინაძე

თსუ საფინანსო დეპარტამენტის უფროსი

ი.სალარეიშვილი

თსუ იურიდიული დეპარტამენტის უფროსის  
მოადგილე

გ. ბარამიძე

შესყიდვების განყოფილების  
მთ. სპეციალისტი

ლ. კობალეიშვილი